

賦

五言小詩

七言小詩

保闡齋集一







保閑齋集序

天地精英之氣鍾於人而為豪傑為文章然或長於文章而短於政事而優於政事而拙於文章之二者難於兩無無二者之能而鳴于一代者其惟高靈申文忠公乎先生係出文獻世家自弱歲力學攻文章大放以肆卓犖有器宇人皆以公輔目之自登茅選入集賢殿歷事我英陵

顯陵大被器遇早結

光陵之知於潛邸搏翊興運首勲盟位冢宰言聽計行遭遇非常逮我

殿下有佐理勲冊入相正色立朝鎮定百僚屹如



山嶽為文章豪賡發越善於鋪張不藻飾為工刻  
削為古其平易處如嘉禾異麥至味自存其精彩  
爛然者則如商雲景星不日韶光而聳人觀聽矣  
然先生之於著述少不留意旋作旋棄今嗣子參  
判澣哀集遺藁彙次為若干卷示居正居正之於  
先生同中戊午進士生負兩科陪侍館閣者又將  
三紀辱知最深今可無一言乎嘗觀自古英雄豪  
傑之於文章經濟罕能兩全蓋天或子之文章而  
奪於時措或畀之祿位而靳於文章如班馬賈楊  
雖有揆天之文而不達於時措丙魏房杜雖得卿  
相之位而文名則不足能有才有施立言不朽者  
幾何人哉先生以雄偉之量傑出之才文章為已



任凡朝廷制誥典冊皆出其手如河東鄭文成公  
蓬原鄭相國寧城崔文靖公皆推重之先生以如  
是之文發而措諸事業際會

五朝獨典機要四圖麟閣而再長崑廊又兼春官  
而明於典故常侍

經惟謀猷獻替出入將相餘二十年先生之殊勲  
偉烈亦可以掩前光而獨步矣先生之靈其必在  
上為星辰為雷霆萬古不泯先生之文如水在地  
中無往而不存矣詩之傳不傳特餘事耳嗚呼昔  
者李漢陳師道序昌黎歐陽之文見誦於當時以  
居正之誦薄序先生之文無乃近於陳李者乎然  
歐韓之文因陳李而發敷陳李之名因歐韓而流



傳居正之托名篇端未必非幸也序何辭成化十  
五年蒼龍已亥清和節純誠明亮佐理功臣崇政  
大夫達城君兼知經筵事弘文館大提學藝文  
館大提學知成均館事徐居正剛中序



猶歟我文忠公係出文獻之家弱齡取第入集賢  
殿日侍經帷學問該通論思夙成大為

祖宗器知及至靖難佐翊參謀與盟位益高而功  
益懋當我

聖上嗣服之初以冢宰而輔政毗倚之隆道德之  
崇雖商之阿衡周之大師何以加諸由其事業之  
大如是故文章特餘事而為所掩尔故言公者言  
公之道德政事而不言文章公亦以經濟致理為  
急務而不雅尚文藻留意著述隨作而棄之然當  
時詞命多出其手渾厚醇正發越以肆不要工而  
益工不求奇而自奇有著編貝璨馬騰輝尋常梁  
肉味自膏腴讀之令人亶亶忘疲古之作者蓋無



多讓也。胤子高陽君捷魏科承高躅痛先顏之莫  
追慨勲業之無跡念惟遺橐散失是懼哀集成卷  
且徵余序余惟士生斯世流落不偶則終身勤苦  
一事無成者滔滔皆是也幸亦相遇功名富貴者  
亦乎一而有之至於得功名富貴兼文章政事擅  
名當世馳譽方來如公者古今一人而已豈不盛  
耶後之覽是編者沿文究義想其學術詞華充積  
者既深故功名事業亦磊落而巍大莫不感發而  
興起焉則是不可泯沒而無傳也故敢書以歸之  
庚子秋九月 日門人益城洪應謹序



人之度量何其相遠也程伊川云人有斗筲之量  
有鍾鼎之量有江河之量有天地之量斗筲之量  
固不足算若鍾鼎江河者亦已大矣然滿則溢也  
唯天地之量無得而加損苟非聖人孰能當之宗  
直以為江河固有滿溢之時豈宜與鍾鼎之量同  
日稱也鍾鼎雖大累斗斛則輒滿江河豈斗斛之  
所能淋溢耶故惟大賢君子可以當江河之量矣  
泛觀古人當之者亦未易多得以今日所見則高  
靈申文忠公其庶幾乎公城府弘曠才識博洽自  
通籍以來至居廟堂以其平日所蘊畜者發而為  
經濟之用凡事物之來也迎幾應接左右酬酢人  
皆服其愈出而愈不窮而不能測識其涯際正如



長江大河滔滔汨汨容受灌注雖衝風盪激秋水  
游至亦不為之汎濫橫流也其使日本也從容風  
濤之上如履平地其征建州也堅卧矢石之間如  
在齋閤其視欲拔孕婦於海中與夫為夜半移營  
之謀者其量之大小為何如也非徒措諸事業者  
如是其為文章皆本之仁義忠信優柔和暢卓犖  
恢闊不煩繩削而自有法度兩漢之要妙盛唐之  
雋永彷彿於諷誦之餘雖弄翰戲詔率然而作亦  
信其為有德者之言矣此亦其江河之量弘涵演  
迤而遇風成文奇變百出而然非可以筆墨蹊逕  
而求之者也宗直窮鄉晚進始自槐院辱公之知  
公之註兵將說也叨濫屬官一日承稟於門屏公



方與客飲一言延譽于四座且顧謂曰子能中夜  
觀書乎謹對曰卯申供職歸家必困唯思就睡耳  
公曰子誤矣余昔卑官晝日奔走逮夜挑燈開卷  
則神志醒然如日之晨也宗直服膺以退於廬所  
以開發成就之恩何敢忘諸公歿之幾年我  
殿下思念舊臣徵其詩文公之子史曹判書浚令  
從子禮賓副正從漢編集為若干卷而進遂  
命校書館用鑄字印布宗直因撫卷嘆曰公之勲  
德有不可以此盡者而公之氣槩或可以此而得  
其萬一在世之日經邦論道丹青王化胡可勝數  
而今者又以遺文上徽  
清謙緒之四方公之存歿皆有光耀焉宗直嘗愧



無么麼報効於知待茲蒙見屬為序竊以托名於  
文字間為幸祗表公之廣度弘量以備他日索隱  
述贊之資云爾成化二十三年丁未二月 日嵩  
善金宗直季溫序



天生間世之才必與之以精粹渾厚之資俾際夫  
嘉熙治之運發為事業則彌綸衆贊以輔成一  
代之治化著為文章則笙鏞黼黻以賁飾國家之  
太平雖然人才之生也實難而遭世之治也亦難  
攻文章者未必能於事業而為事業者固不能於  
文章全而有之蓋亦難矣高靈中文忠公天資特  
達德器夙成奮志擴典優游翰墨在妙齡已有華  
譽自立朝來人以公輔期之

世宗創制該文開局禁中極簡一時名儒著為解  
例使人易曉公亦預選

賜晉接親授規模嘗囑公於

文宗曰諄文諸儒才無經濟者唯叔舟他日可界



國事

世宗吾東方之堯舜也而器公若此公之為人可知也已至於遇知

光廟言合針從魚水成歡雖良平之於漢高孔明之於昭烈殆無以加

光廟嘗曰卿是我之魏徵斯實錄也公言論之暢易氣度之雄遠一時宰輔無出其右每國家大議論大制作事大交隣安民制敵措置規畫咸出於公於是中華之士識公姓名而殊俗之人亦莫不仰公德威公猶於公暇沉潛經史肆其餘力旁及應世之文吐辭賦詠和平冲澹一追大雅之音歷觀前代遭時遇



主能文章而措事業有如公者復幾人歟公嘗傳  
命日域游學遼陽奉使中原冥搜幽討海岳之  
崇深風上之殊勝既括盡而無餘其疎宕奇氣不  
在子長之下耳其是高而量益弘開博而才益贍  
觀遼海篇與倪學士唱和之作則知其所存之密  
所養之大非餘文人才士所可企而華士之所以  
稱賞不置也公年十五受楚辭韓詩於先正叅判  
公讀謂三昧由是少時詞賦每居人前膾炙儒林  
至如詩什尤長於古風長篇雖數百強韻押之能  
稱雅有難處元嘗陪侍南宮一日贈日本僧詩  
幾五十餘句元聞久不釋公笑曰云何元實  
服其韻強而押易異日幸閱韓集方知公作出於



韓顯也倪學士選畫松篁子於公題畫面云太平  
館裏雕闌曲曾倚清陰讀楚辭亦服公妙於騷詞  
而奪換楚法也元清曾從

世祖朝京粹羅橫惠事在不測

世祖憐臣狼狽令臣問計於公公亦痛切曲為

之畫元清若不從公策亦不有今日也懷恩慕德

寧可既耶戎

殿下右文興化崇重儒雅命刊當代諸賢集公之

第四子今吏曹判書公哀輯詩文釐為幾卷囑元

序元清從公杖屨獲聞緒餘久矣而况載名篇

端實亦大幸其敢辭為省成化二十三年龍集丁

未三月既望純誠明亮佐理功臣崇政大夫西河



君任元濬謹識



竹園集

八



自古英雄豪傑之生於世莫非關國家之運稟光  
嶽之精應而起者也故道德積于躬文章華於國  
立千朝而祥麟威鳳使于外而長城敵國功在生  
室澤被生民天下國家賴以安危然後可謂社稷  
之臣而是以流聲實於無窮矣雖然士君子之學  
或施於事業或見乎文章常患於難兼故遭時之  
士功烈冠於世名譽垂於後其於文章或視為文  
事而不足及焉又或有不暇與不能者焉豈窮苦  
之人其辭易工理勢然哉若唐之劉柳無稱於事  
業姚宋不見於文章者是已一有卓越奇偉非常  
之人蘊道德懷文章智略經濟萃于一身者則無  
以尚焉然求之於天下數千百年以來鮮有其人



況一國乎況近代乎唯吾座主高靈中文忠公家  
世以文翰相繼而生有異質器宇夙成及長就學  
於天下書無不窮覽學問文章日進而不少止累  
擢高科敷歷清要遂以碩德宏才歷相  
三朝身佩安危餘二十年忠誠動鬼神功業銘彝  
鼎非所謂闢國家之運稟光嶽之精卓越奇偉非  
常之人者乎自我

聖朝開國以來真絕無而僅有矣公嘗奉使觀上  
國之光者非一再矣而又東遊日本北征沙漠足  
跡半天下有以極其絕特博大之觀故凡天地之  
間事物之變寓於目接于耳者盡取而發之於  
文章其踈蕩奇氣變化出沒隨所寓而不同而辭



從之故或奔放浩汗或渟瀟淵深或和平而渾厚  
或雅健而典重莊生之曠達韓子之溫醇陸贄之  
總切李白之豪逸魏鄭公之仁義諸葛亮之忠貞  
層見疊出千態萬狀悉聚而集其成焉真可謂有  
德有言托示不朽於盛事者矣其視收拾古人糟粕  
自負於一句一辭之工者不可同年而語矣嗚呼  
盛哉公之孫弘文校理從漢以公遺藁謁余言曰  
先祖詩文

特命刊印以傳于後存歿恩榮至矣先生出吾  
先祖之門下知吾先祖莫如先生願先生題其辭  
余曰公之功德騰於人口載在國史文章緒餘耳  
其傳與不傳非所急也然根於心著於文辭見矣



華之發外而足以知和順之積中則世之人觀公  
之文亦可以知其為人矣況因此集有以見聖  
上崇文重道不忘舊功使勲德之臣得以留名於  
後世豈不韙歟宜子拳拳於此也臣雖病矣能矣  
言不足取信於世矣其於發揚吾君之盛美不  
敢後焉而公之平生大略亦或由是而益著則豈  
非余之幸也歟遂不辭而為之叙云蒼龍甲辰冬  
十月既望嘉善大夫前行虎賁衛副司果上洛金  
紐子固序



保閑齋集卷第一

賦

日本國栖芳寺遇真記

并序

癸亥之春受命為日本通信使書狀官艱  
難跋涉閱數月得達于京都館于東山之  
慶雲菴方畢傳使命而日已在翼日本  
國王殿下以所館幽僻令觀于都城諸寺  
乃於孟秋上浣六日遊相國寺越三日又  
遊于西山之天龍寺遂歷栖芳寺而息焉  
寺之中引溪流于林表匯之為池周回可  
三百餘步池之西有琉璃之閣自閣北行  
有橋通于西來堂橋之西皆植芙蓉時方



盛開清風微至幽香馥馥擁鼻橋東南則  
無之若橋為之限隔也西來堂之後軒號  
曰潭北溪流之所經而入于潭之處也以  
奇岩怪石駢列而激之清冷可愛試欲窮  
其源則樹木篁竹蓊鬱蔽密不可得而入  
也但聞鏗然鏘然遠而益清且幽也湘南  
亭居池之心而近乎南邊亭之南缺其堤  
以泄池水而流其惡有小島羅峙於亭之  
左右而其數四皆植松樹剪其枝葉令不  
得綴而若老枯者然四面嘉花異卉擁之  
其枝幹亦皆繩引而木支之盤結交柯鬱  
不可窺僧言方春和時羣花齊發宿莽競



秀蒼然頽然若錦焉若綉焉不可得而狀也余聞之惘然恨其不遭也池形縈回稍長遂作橋橫絕其腰以便往來于池之東南者因橋有小閣扁曰邀月之橋登之恍如騎長鯨而浮溟渤也有野鴨雙翼方游泳自樂于橋之東見人驚起掠簷楹而西也顧盼之間萬象旋繞悉涵于池之中水族有大者小者羣者孤者潛而昭者往而復者躍出水者隱在藻者鼈而暴于沙石者能而伏于微泥者千狀萬態舉不逃於目擊又有小艇二艘繫在琉璃閣下可以輕棹往來也凡洲渚島嶼回曲直達者天



作地設而不出於山人閑營巧度之妙矣  
於是投冠捐佩披襟散步清可以滌煩幽  
可以靜慮怡愉散浪擬挾飛仙遊於蓬瀛  
之上而忽忘身在羈旅之中也俄爾斜陽  
西隱僕夫在門驪駒在道遂揖長老于釣  
寂之菴上馬而歸茫然如有所失既還而  
坐于雲菴之南軒月出東山竹影扶疎萬  
籟俱寂思欲無往由琉璃之閣歷西來之  
堂登于邀月之橋以觀其空明無礙也而  
不可得則其清淨高妙之致往來于懷寢  
不能寐時夜將半神倦思睡方欹枕間忽  
有老翁須眉皓白骨格不凡戴霞冠飄雲



裾揖我而言曰西山之栖芳寺我國之勝地今子之遊亦有所樂於此而有所得乎余應之曰余之來也水行數千里所歷洲渚島嶼之奇與夫京都諸寺池塘之妙固亦奇矣妙矣而悉不能彷彿於栖芳則誠如翁之所言一國之勝地也其遊之樂而幽閑之趣有得於懷者可知矣昔唐之柳宗元叙馬退山之遊曰西山爽氣在我襟袖抑固智者宜先料我今日之事也翁欣然改容曰善乎子之言也其知道者乎其有樂於是乎其有得於是乎古者滕王之閣得仲宣之序而稱美後世仲宣亦以是



而垂名千載子盍詩而叙之俾傳為西山  
美談乎余亟辭謝不免即書四韻長句云  
西山橫絕號嵯峨寺在山中掩碧蘿軒外  
香蓮看倚檻竹間清澗聽鳴珂暈勻鏡面  
雙鱗躍影亂潭心隻鳥過聘眄無端懷抱  
惡誰將一曲唱淒波書訖而傳于翁翁披  
閱稱美朗詠而起余以其倉卒不暇飾辭  
直追而問之曰願聞姓名翁方顧而笑若  
有所屬忽有大聲從西南而起若天之拆  
塊驚夢覺精神恍然久之迺定推枕而坐  
覃思紬繹則向之所夢的可記竊自計  
曰奇哉翁其真仙之流乎蘇子遊赤壁而



有道人夢謝公夢西堂而得春草句  
余雖無蘇謝之才然因蘇謝之夢踵蘇謝  
之作豈非幸耶翁之勸余詩其借玉公半  
帆之風乎余不可以不賦乃於夢之明日  
歷記其事而仍為之賦賦訖而以示菴之  
僧明遠明遠竒之請以傳之為西山故事  
遂書以付之云賦曰

歲既次于癸亥兮當日行之在奎欽承  
命以東出兮馳駟騎之栖栖別知己于漢之濱兮赴旅館  
之晨鷄地既盡而海闊兮望前途之茫茫張雲帆  
余孤逝兮東指日與扶桑忍艱難其歲月兮始得  
達于國之都既使事之畢傳兮遂遊覽乎禪區至



西山而弭節兮登琉璃之高閣凭危欄以披襟兮  
襲灝氣于寥廓想清塘之回匝兮山光掩其錯落  
風披披兮微拂輕浪起兮溶溶偉奇鱗異羽之  
泳乎其中兮羗不可以狀容嗟島嶼之巧妙兮  
造化之神功惟嘉卉之盤鬱兮擁山靄之霏霏繞  
池西以散步兮弄芰荷之秋衣山鳥喧兮寒蟬吟  
謦忘歸兮夷猶白日忽其西匿兮雖信美而不可  
以小留驅余馬兮言旋倚幽軒以不眠坐茫然以  
神遊兮對山月之孤懸至夜分而假寐兮夢忽遇  
夫真仙徵余詩以記跡兮囑余言之丁寧得余詩  
以朗吟兮聲清暢以盈聽言未訖而忽覺兮風泠  
泠其吹帷探仙意之所在兮覃余思其莫度姑染



翰以臨觴兮集顛末以備寫正成去其既遠兮留  
以待夫知者

八駿圖賦

并叙

臣竊聞我朝肇基朔方三聖相承忠  
厚傳家威德日盛于時高麗之季衰亂已  
極天眷東方生我太祖康獻大王克紹  
先業心存康濟奮不顧身乃於至正二十  
二年壬寅春削平紅賊是年秋東走納氏  
洪武三年庚戌北平元孽于東寧十年丁  
巳夏南捷倭寇于智異是年秋戰于東寧  
十三年庚申戰于引月十八年乙丑戰于  
兔洞二十一年戊辰舉義于威化凡二十



七年之間前後數十百戰出萬死犯艱危  
卒夷寇亂拯民塗炭天命人心歸于真主  
遂建大業澤流後世然其摧陷廓清之功  
實於馬上得之馬之功宜沒世亦當與之  
為不可忘也其最駿而功者有八今我  
殿下命圖著贊以又厥傳其追慕前烈安  
不忘危貽謨燕翼之義可謂切矣 聖子  
神孫因是監前朝失之之易思祖宗得之  
之難以無忘入駿之功則實我東方億萬  
世無疆之幸也臣忝侍從親茲盛事歌頌  
職也謹拜手稽首獻賦曰

聖人在位祗懼厲精凡三十年治教休明四境無



虞朝野晏清於是知守成之不易念燕安之鴟毒  
追惟創業之艱難敷揚聖祖之義烈乃至八駿  
之微亦在褒崇之列夫駿之生也神矣奇矣房星  
委精虬螭孕靈扶輿旁魄蜿蜒遶蛇氣化淋漓腹  
明雜還風雨恣其變化陰陽從其闐闐集衆美以  
妙合成此天機之卓犖既信既閑孔阜孔碩耳聒  
批竹蹄蹤散雹方者中矩圓者中規安格絢練鬚  
鬢長鬚駉駉祛祛翼翼駢駢電影回合神光陸離  
駿職而涼颼吹颼颼而春雲起一鳴兮胡沙漸瀝  
再鳴兮典北風靡如是者顧千百而一二將與麒  
麟鳳凰而並美矣若夫駿之用也至矣大矣生為  
地用千載際會若恤若失驕騰沛艾駉駉獨步蟠







戰場邊徼丘墟神州榛荒至是而世道之亂生民  
之禍極矣不有聖人孰濟墊溺時惟我祖運值  
千一神姿絕世勇智天錫愍萬姓之無辜奮四世  
之遺業順斗極而運天關旋軋樞而轉坤軸伸威  
奮武叱風咤雷天戈攸指若朽斯摧紅寇豕突殘  
城破邑憑陵咆哮恣其燔炙宗社焚蕩乘輿播越  
惟我聖祖賢勇振節握螫弧而先登麾親兵而  
餌敵兇徒自蹈十萬其級手劒縱斯躍馬踰城追  
奔逐北賊遂以平納氏老猾逞其猙獰聯我邊奸  
虐我邊氓震劉芟刈至于洪原厥勢孔熾志在蓋  
吞惟我聖祖運智應機單騎挺進斬將奪旗射  
口射肢拉搗搗髡累敗窮縮犇竄倏息老猾褫魄



終身心服漢彼東寧亡元之集草黃薛罕與天盤  
折鴛江遼瀛限彼南北王命我祖圖恢遠略元  
戎啓行威靈震疊漫空紫氣占辭攸屬堽臂拒轍  
望旗釋甲願會執迷猶保元刺維彼元刺峻嶮天  
設峭壁屹屹聖武赫赫孤城中潰降附四集霍  
繹紛泊霄蛾赴燭仁威遠暢克清朔漠逝彼東溟  
島夷之窟生長舟楫猱點飄疾視死如歸惟利是  
逐鼠竊狗盜投我邊隙帆竿蔽海舳舻如織王命  
我祖星馳往擊賊徒雲屯智異之側我武攸揚  
一箭氣奪敗覆狼藉就險自固峻崖嶙峋劒槊交  
注白刃鞭馬紫電干日駿騰一躍險失千尺迎刀  
崩墜填坑蒲谷若山壓卵靡有遺孑島夷罔悛又



寇關西信文安鳳妻恠鯨鯢諸將奔潰鋒莫敢嬰  
聖祖受命戰于東亭方事之殷阻于泥淖龍駒蹠  
足一奮而赴應絃十七皆左其目賊駭而散爭相  
輜轢 聖祖下馬命酒張樂遺燼投險勢窮衝突  
矢集坐前意氣自若徐命麾下遂殲餘賊島夷罔  
俊又寇南道嶮不暇守城不暇保攻陷若空焚薶  
如草屠燒州郡至于雲峯 聖祖受命擔掃頑凶  
精誠貫日有白其虹千里索漠僵屍相積 聖祖  
惻然為廢寢食乃督羣帥戰于引月振威耀武身  
先士卒陷陣潰圍殲彼驍將鋒摧刃折莫我敢抗  
舉國欣歡迎我凱唱島夷罔俊又寇咸洪鯨奔側  
突諸軍望風不敢交綏若虎驅羊王命于襄 聖



祖是將七箭十勝軍中殺乎因地設伏按轡徐趨  
螺聲讐賊破膽裂府魚游於鼎東西相聚聖祖  
示閑從容解鞍誘致其來轉戰盤桓四伏並起若  
墮于羅奔崩蹂躪籍籍他他我剛我陵東海之阿  
大命將革天奪其衷彼狻不量大邦是攻六月稱  
兵指遼之東羣寮岌岌萬姓洶洶告之雖切聽我  
若聾屯兵孤島霖霖演演進退維谷大小悉恟  
聖祖舉義白羽彤弓萬口相變不謀而同爰至野  
人千里影從老幼相携壺漿以迎蕩滌邪穢市肆  
不驚拔亂反正戢武韜兵國以之定民以之寧凡  
是數者寔皆我太祖豐功峻烈卓卓有成者也  
深恩厚澤浹于生靈者也積慶樹德根深源遠而



為後世子孫千萬億載之所憑者也然此亦特其  
大略耳如徒川之勝鐵關之捷海豐之戰遼陽之  
役大小百戰所向輒克此雖出於聖武神略亦  
豈人力之所能及哉于斯時也材勇之士智謀之  
彥苟有一技一能各爭售而競扇攀鱗附翼奔走  
後先叢叢林林紜紜紛紛左提右挈共贊大勲蓋  
天之生聖人以救時艱也必生英雄豪傑以為之從  
亦必生休祥神物以濟其用此八駿之生乃天意  
也而無非所以佑我太祖之興者也方其兩陣  
交綏鼙鼓雷轟殺氣干天陣雲屏屏出奇制變爭  
機競角壯士猛夫熊拏虎攫白刃霜磨飛鏃雨落  
紛紜沸渭雲合霆發續駢駢殪縱橫膠膈成敗懸



於俄頃生死決於呼吸桓桓聖祖奮我鷹揚馳  
堅突衆所指無強霹靂列缺吐火施鞭萬人辟易  
肆意周旋倏脾倩冽霧散烟銷飛巖霜而脫葉舉  
烈火以燎毛當之者何剛不折觸之者何堅不碎  
破竹不足以諭其勢轉石不足以論其快蓋有不  
世之資者當受非常之命建不世之功者當享非  
常之慶我太祖值衰亂之季以天縱之聖勤勞  
既至勲業無競威挾振主功戴不賞惟天命之所  
歸亦人心之所仰遂應天而順人終化家而為國  
演當世之餘澤流萬葉而不竭然跣躍所以習武  
運甓所以隸勞因閑園獵匪以遊遨時聘廣漠乃  
歷林臯原隴起伏丘陵牽聯罷池陂陀下屬于淵



石壁神截脩崖天懸激湍成澤浩汗膠瀉晉華不  
能以遺死御寇不能以展足或臨大澤蕪葭翳鬱  
淵冰初合輕羅布薄猛獸蔽伏變生街廩或當冰  
坂傾側險滑或當峻嶺岷峴截薛飛走之所栖托  
人迹之所不及維我聖祖縱轡往復白前而前  
曰卻而卻周旋合度左右中節星流疾至圍轉電  
掣矢不虛發中必決皆走獸當丘而歛羽飛禽盤  
空而洒血王良造父之後賁育烏獲之屬歛手喘  
息邀執受屈是雖聖人之神武抑亦神駿之偉績  
當其懸崖峻絕泥淖東院危在頃刻倉卒之際縱  
有謀臣猛將亦無所措其技矣是則神駿之扶佐  
聖躬或有非人之所可企者也此我殿下之所



以收入駿於繪事錄神功於高骨者也茲蓋孝子  
遺於犬馬謨乃恢於燕翼嬋嚴銘於几席存切戒  
於朽索觀夫新圖天開遺光儻輪風霜起縛造化  
生筆起塵土之幽姿聳當世之觀覲形兒發飄氣  
象鬱勃橫雲追風發電凝霜麟游龍騰豹玄師黃  
重霞累錦沓璧連璋同功異體集瑞騰祥威風凜  
凜峻嶒煌煌百戰瘡者而帶遺鏃搶攘之態視之  
如昨壯氣驚人膽寒髮立魂驚魄撼彌口而定此  
特八駿之糟粕尚能動人之視听想當時之氣像  
隔千齡而起敬是神物之極致在夫人而亦不易  
又何必肉翅十影然後始為之異哉嗚呼物各有  
遇遇各有時生不得遇則蓋車自是相困遇不得



時則鼓車徒足見縻雖或參於立仗亦空飽於豆  
粟苟欲一鳴終不可得今夫八駿其生也當聖  
祖之龍興其死也托聖主之追念得時遇而得  
托且永世而無憾賦已復為之詞曰若有龍兮驥  
之子其之來兮天所俾風雲澀嘉兮雷雨走若有  
駿兮龍之友生有神兮死有名若有駿兮龍之精  
名萬古兮不渝若有駿兮龍之徒

### 廣居賦

皇天賦我以至理兮迺衆人之同得是惟仁道之  
至大兮為一心之全德故聖賢之宅心兮依於仁  
以為居偉是居之廣大兮極體勢之宏疎匪般輸  
之運智兮異厦屋之渠渠亘古今而莫墜兮肇結



構於太初敞禮門興義路兮蹇蕩蕩而洞如自唐  
虞而迭居兮亦三代之奄宅逮洙泗之發輝兮增  
是居之煥赫嗟梁木之既頽兮托遺經而永惜幸  
鄒孟之挺生兮斯道為之復明日廣居以為號兮  
狀至仁之難名收人心於渙散兮復歸宿之有處  
眇余生於千載之下兮踵前脩以自許望孔墻之  
數仞兮期入室而升堂庶屋漏之無愧兮發泰宇  
之光安廣居以自樂兮終吾身以徜徉

雅樂賦

偉聲樂之至和兮根一心之深衷惟英華之發外  
兮乃和順之積中肆神聖之剡制兮爰崇德而象  
功與天地而同流兮隨世道而替隆自唐虞與三



代兮曰制作之不同各因時而損益兮備厥制之  
厯洪周既東而詩亡兮紛鄭衛之囂囂時尼聖之  
遑遑兮僅在齊而聞韶世日變而愈迷兮竟未遑  
於漢朝曠音響之既遠兮絕雅音其寥寥幸我  
王之誕作兮承列聖之丕基儼持盈而守成兮憫  
正樂之久墜命太常以討論兮踵前聖而緇追定  
一代之制作兮協律呂之相宜諧唱和以迭奏兮  
洞幽明而莫遺接遺音於軒轅兮飄餘響於包羲  
並唐虞與三代兮爭頡頑於千古宛洋洋而盈耳  
兮播仁聲於寰宇頽余生於昌辰兮喜盛制之目  
覩庶得聞於鈞天兮與百獸而率舞

集賢殿有二窰蓮在庭一敷榮一憔悴一日



偶直見壁上有詞感物自警庶庶於繁枯之  
說辭甚苦和以慰之

曰環盆而掬泥兮屈烟渚之芳莖真日離而日遠  
兮浮萍無系之強而為生惟一榮而一悴兮其可  
悴乎何物景懷子龍自託於大悴兮又何必余心  
乎或謂至死猶未沫兮

卷之六 訪方問話風雨驟

[illegible]

鵲鵲鳴兮非梧桐而止  
退兮苦火威之不收風雨  
炎塵時禪老之適來兮  
高詒及乎不覺其然而  
不可期兮亦變化之相因  
念主張之義無所不周  
而



張之歸空拍余手以一咲兮但見蕭蕭之與濛濛

保閑齋集卷第一



吳保開齋集一

卅三



保閑齋集卷第二

五言小詩

題青山白雲圖

林巖華閣暗山入海門斜  
高人厭俗眼解遣白雲渡

題安可度畫青山白雲圖

白雲本閑物  
栖向山中幽  
山青雲自白  
兩美無時休

送李保仁牧晉州

臨分情繾綣  
一別應六年  
孤懷漢水北  
清夢海南  
需

千尺寒潭水  
波澄冰亦清  
君心願寶此  
飜覆世人



情

頭留鎮南極千里蒸雲烟政成饒暇日為我窮高  
顛

謝一卷惠扭席

數尺琉璃瑩便宜月色侵庭中且高卧一夜夢瓊  
林

寄權玉卿

得閑因病久空歎綠陰低黃鳥催人起東園數日  
啼

清詩日敲冰坐看落來花綠陰與芳草又向病中  
過

寄黃海監司姜同年

希顏



別後相思苦鶯聲愁殺人鬢毛看漸變依舊走風塵

寄深宣慰子濬於全羅

故山天一極千里夢相隨舊識如來問翁今鬢已絲

次魯參詩韻

朝野方憂旱連宵雨氣寒四郊應荷鍾高卧敢為安

寄成川守辛同年

永孫

秋風西塞遠落落落數年心一夜相思夢悠然萬里尋

題平安江邊寄尹之望兄

時為永旨



五雲金闕下千里塞山秋客久歸心急征鞭夜未  
休

西行千里遠東望五雲深客裏秋風盡孤燈一片  
心

西塞胡山暗孤城落日懸誰憐遠遊客一夜不成  
眠

病中寄別咸中樞權提學赴京

風雪關河遠朝天客路長病中空悵望離思正蒼  
茫

戰罷寄京友

秋風初戰罷霜落虜中寒遙知京洛友應醉菊花  
間



西風秋雨歇橫梁  
秋寒海天三萬里  
歸夢五雲間

高原川邊別監司鄭兄執

塞下扶風急歸來  
道路長川邊數盃  
酒離思夢中忙

謝星州牧金之慶惠扇

南中想閑適京洛  
困囂塵誰解除炎  
溽清風自故人

寄平安節制具致寬

已過未還

西風昨夜至離思  
悠悠宣室每前席  
君歸可滌

在汴州寄金尚州



相望應不遠  
離思更漫漫  
夢回孤燭盡  
風雪隔關山

題為善及詩卷

人心有善惡  
所以罹是非  
無及無不及  
脩然終自知

送一卷南還

嶺表春正佳  
頭風浮海雲  
落落懷遠意  
悠悠又送君

寄商州牧金守溫

塵土東華路  
傳雲嶺外天  
老去離懷苦  
秋風又颯然

寄羅州崔子初



南州是水國梅柳故園春白雪添雙鬢名途坐困人

寄商州牧金守溫

歲月不我與春風又欲來老年離思苦寄與嶺頭梅

寄成川辛同年

永孫

漸覺春風近長安樂事多瓜期應未遠可及蒲城花

示徐剛中

春事行將近探春須及期明朝幸無雨可報舊遊知

寄鄭監司兄



光陰雙轉轂花蝶兩隨塵寂寂懷離思悠悠送晚春

寄贈慶州府尹

相逢又相別未盡隔年懷嶺外三千里山花已遍開

於天安途中逢下南人寄金羅李監司

相隨千里外離思夢紛紛天安回首處日暮嶺頭雲

同日寄崔羅州金靈光

故人天一極尊酒喜相逢清懽未十日離思又千重

謝津寬住持惠扇



五月炎塵合人間熱惱煎清風自禪榻起我北窓  
眼

寄魯參邀之

連醉困而卧聞君昨夜還孤齋蒲簾雨可與看雲  
山

邀洪中樞

日休

雨久無人到幽齋午睡濃牆頭一尊酒且欲與君  
同

寄延安安重厚

延安弟松禾  
縣監謹厚死

歲月駒過隙浮生石火紅故人漸彫落血泪洒西  
風

題一菴松堂圖



一菴栖碧岑蒼松蔭高堂禪翁何所為江流空自長

寄之望巡察全羅

湖南為勝地雲物海山秋西風吹遠意落落起離愁

淮陽途中偶吟

溪柳雜冰雪已作黃金色遙遙遠行邁觸目感時物

荅寄李副知

由義

萬里同為客君將我先歸停鞭須見待數日未為遲

寄子濬



別來春欲盡回首路三千五雲天外遠歸思夢應先

行造山串看鹿屯島

飛沙造山路風過浪成紋聚散應無定堆堆連海雲

小島平如抹長江燕尾分民知耕穫利來往正紛

上造山烟臺望赤島

俯看山盡處海陸兩縱橫人言孤島裏陶穴尚分明

自富寧向會寧途中寄正卿子濬

鰥夫又客久裘褐漸生蟣日想春遊樂蒲城花柳



時

寄之望憑甫

北中為客久春盡古愁州上林多勝事歸思日悠  
悠

在穗城偶吟

道上揚白花春歸客未歸孤城日欲落塵土暗旌  
旗

還到咸興平安兵使具而栗與首領朴公馳  
書來慰以詩奉答

客久同漂梗悠悠兩歲間慙慙傳尺素悵望隔雲

山

狄嶺一盃酒如今已惘然尊前花爛熳且復共而



軒來書有與而軒同遊之語

去歲為西客東溟又遠馳旅遊多所感說與阿羅知

同寄朴首領官

尺書煩問訊一望心悠悠馬上東西客浮遊尚未休

寄之望巡察慶尚

日想巡遊樂新羅故國秋離愁離鄉夢千里政悠悠

寄慶尚監司

長安吹臘雪嶺表放春梅老去交遊少悠悠抱別懷



送金浩生往黃海三絕

西風吹朔雪遠道拍征衣  
信矣非吾土憑君可速歸

古州海為大牧使奮蒼髯  
近日齊安事憑君瞻不

瞻發使李夏成也時黃炎姜老并堂上

延安是我友近聽病新差  
鶴駿在堂堂憑君奈若何

謝一菴問病且告别之黃海

故人一菴老厚意病由知  
明日關西路春風錫杖

飛

孤竹坐髯牧延安卧老安  
憑君致一語夢到酒盞

間



關西號勝地春意况悠悠是子囊中物令人作卧遊

送平安兵使金

師禹

承恩天日近建節塞雲平男兒圖結草聖主倚長城

寄李南平

尊粹

漢山猶臍雪南國又春梅頻頻傳尺素耿耿抱離懷

寄金豐德

命中

為郡真堪樂行看一縣花塵事相煎急春風奈老何

寄黃牧姜同年

老



太守誰能比乘春露冕行故人困塵土白髮又添  
莖

呈洪麻川

病久愁多緒春回興不深絃中知有趣從子借玄  
琴

金豐德賡韻送寄又用前韻答之

功名身外事佳興屬春花家家玄釀熟悵望可如  
何  
少年同戲樂醉眼落玄花軒冕浮雲耳其如白髮  
何

寄金浩生在大津

春風吹欲近草木喜逢時依依昨夜夢與子共吟



詩

寄一菴遊藏義洞賞花

藏義名仙洞溪邊草色多清遊應更好躑躅蒲山  
花

寄延安安

重厚

日月催年矢煙花悲晚春兩地無千里清談入夢  
頻

寄慶尚兵使鄭憑甫兄

江上離懷苦當時醉惘然醒來燈暈暗一夜不成  
眠

次洪麻川韻

塵事愁多緒煙花春欲深知心賴有子送我教玄



琴

寄京圻監司李伯玉

曾有經還共飲之約  
通花川死故詩云

浮生饒變化懽樂幾多時  
佳期不可緩火急報君知

寄安延安

孟厚

依依昨夜夢與子共論懷  
覺來成獨哭剥啄報人回

又用前韻寄延安

紛紛厭時事唯予八孤懷  
病卧謝門客悠悠腸九回

呈鄭相謫居勵山

炎溽時方酷南州應更多  
清心能卻暑眠食正如



何

答寄三道巡察李廣陵

陰霆蒸暑溽旅况正如何秋風隔半月離思老來多

題學專師無乳湖月道規老子次孝宁大君

詩韻

秋風刺蕭蕭依舊露孤岑治亂自有緒啁啾徒聒

音 湖光混真明殘月下西岑我亦非簾客君今懷我

音 君從山中來令人想秋岑聞之有所感涼蛩作悽

音



寄韓子澹體察西北江邊

草鼓冰江戊盃尊談笑間春風又拂面離思隔關

山

送梅中樞

信

李金和

詩

赴京

赴京

雲收鵲嶺月香靈鷲江春舊遊皆歷歷舉首望行

塵

謝高勉閣送柑

上蘋乳卵團團照眼明故友知人意高易未解

醒

寄鄭憑甫兄

離懷隔兩歲梅柳又春風南望多愁緒浮雲帶曉

空



答寄寶城守秦有經

故人傳尺素千里各相思  
相思不可見烟柳滿城時

答寄同年鄭咸陽

從韶

故人天一極別恨路三千  
珍重相思字開緘更惘然

喜雨遶霄邀一菴

久旱逢甘雨孤齋獨咏詩  
門前車馬絕可共看絲絲

題祖印桂庭羅月軒卷次孝寧韻

明月照羅桂上人獨愛清  
高易堪笑處醉裏強求醒



對此非塵物令人心自清師今無少我猶向醉鄉醒  
鏡樹都無處寧知羅桂清有心為物轉對酒莫論醒

寄上黨巡邊諸從事

油幕秋將暮行雲出塞遲籌邊多暇日寄我退之詩

謝惠扇

初夏薰風至塵間熱惱忙禪翁方便足送我一軒涼

寄荅鄭慶興

塞下黃雲合西風應早寒霜花空滿眼離思更漫



漫

寄平安兵使楊山

風吟秋將盡霜深菊欲乾  
離懷空耿耿萬里隔關山

寄謝長興守尹孝孫送柑

南國寒應歇春風暗已回  
香柑千里色厚意一枝梅

寄黃海監司朴同年健順二絕

州牧亦黃金監司猶帶銀丹楓  
莫自苦烟柳又當春

春風正好事吹我鬢絲紛  
故友雖多子離懷獨有君



次韻寄咸吉從事官三絕

碧海浮天大黃雲繞塞長悠悠懷遠別籬菊為誰

黃

西風歸興急北塞夢魂長閨裏半簾月眉間一點

黃

邊燧傳明遠胡山入眼長借筋恢良策飛觴泛晚

黃

寄忠清崔監司

舉手盃浮綠回眸菊綻黃秋雲日暮合愁緒掛天  
長

送浩堂師南遊四絕

送君還舊隱隻影天南極浮生亦有涯離別安足



惜

云 伶師無住相身世隨浮雲有來必有往何用徒云

伽耶鎮南國歷歷多仙蹤有身不自便雙袖捫塵

紅 家山在嶺表柿栗屬新秋今朝送君去歸興與悠

寄濟州御史姜公遇文

長 海國秋風早霜深橘柚黃千里雲濤隔清談入夢

謝金學諭紉惠馬乳

一夜西風急夢隨秋意俱宿醒人未起舉目迸龍



珠

寄金保寧

前

眠故人在南國秋風又颯然  
白髮猶塵土悠悠保醉

保閑齋集卷第二



保閑齋集卷第三

五言小詩

寄吉牧梁敬老同年

昨宵夢見君尊酒聽高詩今得相思字開絨情緒

招金察訪王

故人千里來猶興未從容今日孤齋雪清談欲與

寄遠

年光且欲盡赴壑走玄蛇落落懷離思尊前菊有

寄吉牧梁敬老



東風吹又急春事日還生舊友在東極空懷萬里情

寄金羅金監司

吉通

南國春風遍棠花處處離懷春更急舉酒暗傷神

寄平安金監司

詠光

萼萼流光疾紛紛春事殷悠悠離思遠靄靄空暮雲

寄濟州安撫使文

汝良

南中春早暖海國瘴烟生遠寄相思字題緘萬里情

寄權府尹

聰



昨夜蒲城雨挑花紅杏花驪江一望地舉酒奈君何

因權府尹之行寄慶尚監司鄭年宅  
今因送故人為想故人遊長安春事感尊酒老難休

答寄平安金監司

春去長安市鶯啼棠樹林清詩當十襲留待共君吟

謝李判院惠黃杏紫菜

黃杏走此卯紫菜斫蒼玉何以報厚意海魚眼正赤

寄平安吳監司



別來無幾日梅雨洒炎塵西塞黃雲斷離懷屬故

人  
寄成吉許兵使

地盡蒼濤壯天低翠嶺重紛紜時序換離思又秋

風

寄文安撫

女良

離盃春正早別恨又秋風一望東南地扶桑出日

紅

送別忠清李監司

奉召

建節攬余轡澄清數十州東南民力困正欲待君

休

舊友今無幾情親獨有君病中君又別愁緒正紛



紛

寄高金溝

台輔

故人在南郡悠悠歲欲殘  
離懷隔兩載風雪滿關山

答寄都夏

以軍籍敬差官在濟州

海國孤舟遠乾坤歲暮時  
故人見回鴈尺素空相思

寄忠清李監司

玉節照南國雪花吹北風  
男兒與矢今日見英雄  
風雪年光暮關山別恨多  
白頭新病起老子尚婆娑



寄韓子澹

蕤香西風雪凌競塞外冰病中離思苦耿耿對孤燈

招大司成金永濡飲

紅塵猶舊態白髮又春風孤齋一場話聊欲與君同

招學專師飲

閑忙苦異路旬日不同吟欲共一場話君應有此心

寄金羅柳監司

玉節照南國故鄉春又回碌碌老猶耳君應知我懷



歲呈一番閒病

莫恠音信疎交遊非不多紛紛含齒舌誰辭問維摩

寄中司故兄

風雪關山遠睽離歲月流歸田頻有夢白首尚悠悠

寄平安監司吳伯昌

故人西塞遠一別再經年白首春風裏離懷倍慘然

題畫屏八絕

濯濯孤柳絲飛飛雙燕雛于于藻底魚泛泛水中鳬



缺月在松梢撫琴臨溪許山高流水長只有縞衣  
舞  
秋風掾栗肥鼯鼯隨意樂下有清溪水不敢濯雙  
足  
梅老水清淺幽禽枝上啼笑殺一局棋令人老死  
迷  
簑簑俯渚澗酣詠雜管絃聞古有七賢醉態亦蕭  
散  
蒼松老盤屈幽鳥驚猿嘯兒童喜清曠嬉戲恣呼  
召  
蒼龜曉出水吐氣白如霧竹節蘭自香物化不須  
論



似翁弄玄機玩世幻迷安我自任天真咲渠多伎倆

送鄭梁山

開至之任

南國三千里東華萬丈塵老來相別意此去況當春

寄尚牧具致明

白髮塵中老蒼雲嶺外秋一心勞撫字百口免飢愁

寄平安李監司

元仁

昨夜秋風至離懷一倍加臨江試遠望依舊暗烟沙

謝揚根守韓陟惠梨



張谷來仙果清甘味有餘故人知病渴遠慰老相  
如

在麻浦寄慶尚吳監司

伯昌

賜暇江濱浴江花正綻黃仍思嶺外友巡撫困飢  
荒

謝曹參議

夢安

惠梨

江居遠城市浴罷怯秋風故人乃見念珍果眼中  
紅

寄贈鄭密陽

黃菊秋風早紅塵白髮明隔年千里別魂夢一霄  
驚

鄭密陽次韻以送又用前韻以送



南國春光早  
家家梅柳明  
故園歸興急  
夜夜夢還驚

嶺外停雲靄  
扶桑曉日明  
春風吹不盡  
觸物倍心驚

一夜孤齋靜  
青燈半鐙明  
歸心共別恨  
耿耿使人驚

憂國頭渾白  
傷春眼獨明  
對時還感物  
落落抱虛驚

鈴閣薺花發  
庭前粉蝶明  
他時循吏傳  
芳譽使人驚

贈別一卷南遊

錦江秋水碧  
蕭蕭暮雲深  
閑遊錫杖遠  
一恣幽



尋

甕井光山下松篁有舊居太守行仁政聞今不閉

門

故舊半零落扶風三徑荒家山空在念遊子歸未

歸

浮雲隨長風萬里應未休壯志老有在白頭懷舊

遊

寄金羅監司金之慶

世味年來薄離愁老去多青燈低粉壁白首對黃  
花

寄成川府使李胤孫

故人千里遠舊國又清秋白髮垂雙耳隨行尚未



休

寄黃海成監司元文因一菴之往

秋風一夜涼起視籬菊黃故人在遐方把酒空神傷

寄申司成兄

寒風射眸子萼萼歲將暮名韁脫未得夢逐南飛羽

寄永安監司鄭蘭宗

淡施東園柳隆鍾老病人君今在嶺外入我夢中頻

寄咸陽守金宗直

為親屈小邑鷄肋試牛刀地僻無多事頭留入眼



高

寄密陽林守昌

籬菊秋花老清詩又起予歸心日夜急不是為尊  
魚

寄全羅監司李克均

秋深霜露重玉節照黃花家山頻入夢白首尚婆  
娑

己卯二月八日 上宴宗功于 內殿酒酣

因誦潛邸時所製詩句白至美不務治大造  
無顧還驥足寧急展鵬翔豈屬促遂 命臣  
分其字衍為二十首而進

大化運亨妻否泰工相倚天眷有所屬保佑靡不



經

右一

皇天眷大東 聖主濟時否 撥亂拯塗炭 湯武豈  
專美

右二

賢能競攀附 翰誠事辭定 大智屈羣策 借節相可  
不

右三

璿圖開景運 明良樂際遇 都俞具有為 應知所先  
務

右四

發政施仁義 覃恩先嫗寡 烹鮮固不擾 舉世在陶



治

右五

梯航盡山海一視同内外包涵無不容天地所以  
大

右六

山河擔帶隔終始朝求保如臣顧微末亦得被共  
造

右七

祀羅又刮垢磨海寧遺珠賢愚各盡才如今古所  
無

右八

臨朝重大臣出詩示相勉詩中有深意聖謨豈



不顯

右九

任賢在勿疑契合無緯繡推誠置人腹相與遺形迹

右十

小臣本迂儒每念便心悸愚蒙枉重眷側足間騏驥

右十一

消埃何所補大恩重山嶽但當盡心力孜孜日不

右十二

至誠感影響天人誰使令建業未數年已見臻清



寧

右十三

剗易守之難霄肝當汲汲為政在真實虛文非所  
急

右十四

賢路廓天衢濟濟集冠冕教術至九九寸長亦得  
展

右十五

斥鷃顧何物咫尺恣飛騰搏風九萬里變化隨鷗  
鵬

右十六

龍飛值九五文物方煌煌風雲倏已起鷁鷺齊翔



翔

右十七

春風扇微和玉御臨丹宸羣臣齊拜舞樽俎同樂  
豈

右十八

聖澤浹萬民天威加四裔慎勿安小康競競願更  
屬

右十九

至治本無為大道謝鑄鑿欲速多不成遠圖不可  
促

右二十

屯真詩十三首奉

教和進

各占字



一章

得肉字

先王愛有鍾

聖主重骨肉天章叙舊事  
粲粲照

人目

二章

得寂字

行宮連疾疫避忌亦從俗  
出入不自由風雨又空  
寂

三章

得雪字

晦冥陰雲合朔風吹飛雪  
人人各脩省屏閉人迹  
絕

四章

得思字

金枝忽受痿靈鵲繞鳴飛  
誰是是吉兆聽者空憂  
思



五章 得悲字

親親出至誠觸物便興悲霜葉拂殘燈感歎涕泗隨

六章 得貴字

聖心達至道幻沱視富貴醉生還夢死豈可隨萬景

七章 得莫字

禍福自有數倚伏無適莫世間唯至誠感動及冲漠

八章 得極字

迺於呻吟中旋見還勿藥保護聖情切是天真同極



九章 得濟字

藥石徒紛紛方籍亦空龜  
聖心無不至居然終  
有濟

十章 得通字

至誠同術知釋家泥神通  
聖心既懽喜都人孰  
不同

十一章 得中宇

否泰本循環憂喜亦相因  
聖心與天通福祿自  
天申

十二章 得若字

疾疫猶未已事故變頃刻天時屬艱屯  
恐懼宜惕  
若



十三章 得轉字

事固不可力變換與時轉入人空有心感感無所  
展

題屏風

條風扇微和生意乃悠然聖人體天道敷仁以為  
先

右初春

花卉逞妍華禽鳥鳴林薄村村時雨足南畝寧方  
作

右春晚

薰風阜民財萬彙各暢達天意正如此長養豈可  
過



右初夏

清流瀟瀟澗綠樹連層雲農夫走鋤耨南畝事方  
殷

右晚夏

涼風一蕭颯草木忽彫委蕭殺豈得已天道固當  
尔

右初秋

清曠條氣翳寒花映赤葉處處理場圃南畝事方  
急

右晚秋

朔風吹巖雪稜稜促凝屬君子若天時歛藏思健  
閑



右初冬

茅索整籬落人人喜靜適為樂當及時南畝事方  
息

右晚冬

春日正遲遲軟綠田柔桑田原雨初霽采采不盈  
筐

右蟄蟲初

秋風始嫋嫋微霜又淒淒衣裳以備寒女工可小  
稽

右蠶晚

四序相代謝農桑各趣時一日奪其力使民寒與  
飢



右抱詠農桑

寄羅州崔子初

庭  
故國三千里羅山一點青  
秋風起離思落葉滿空

題畫屏

雨後山光淨  
葱葱滿郭青  
欲知無限意  
有客倚風

標  
天外雲山碧  
門前買船浮  
家家村酒熟  
漁唱一江

秋

江靜漁村晚  
西岑落照低  
孤塔草山遠  
輕舟艤岸

迷

溪山酣暝  
樹木困淋漓  
橫江叢筍客  
風味欠委



蛇

汲江引脩綆投釣窺巨鱗  
鐘聲何處寺寂寔蒼崖

濱雲鷗秋渺渺一一落圓沙  
扁舟掉鐸發談笑俯江

涯江山秋風早汀洲落晚潮  
尊前歡未已缺月在雲

霄溪駛凍未合雲疑雪勢遲  
天機應有處只許江客

知  
休閑齋集卷第三







保閑齋集卷第四

七言小詩

在博多島次韻寄仁叟伯玉仲章謹甫清甫

山居

半歲天涯已倦遊  
歸心日夕故山秋  
山中舊友青燈夜  
閑話應憐海外舟

一任東西自在遊  
滄溟萬里海天秋  
翻思有命應先定  
字是迂翁名叔舟

在清州示同僚

尾駕秋水

千里孤雲送眼長  
夢歸來棹易淒涼  
朝來強與諸公笑  
一望交河暗斷腸

先墳在

行宮春晚雨初晴  
入眼山川畫不成  
退食有時回



遠眺隔村桃李放新清

送李清甫拜掃韓山

雲橫故國歸心急  
喜動松揪翠色濃  
人道公家為有子  
聖恩新及若堂封

扈從清州次醴泉懸板二首

士女披雲快觀天  
春風高拂旆旌懸  
九成滋穴非虛事  
共道西原已有泉

斗覺仙區別有天  
羲娥不是世間懸  
霞觴瓊液瑤池飲  
爭似香甘一掬泉

卷地薰風四月天  
清酣一枕解吾懸  
丹成却被塵凡雜  
祇許平生飲壽泉

次光后菊花詩



弱質摧殘半欲斜，歲寒清節愛渠多。  
餘葩數朶寧憔悴，不作尋常落地花。

在義順館偶吟示謹甫

春初塞雪逼肌寒，春晚邊流綠正閒。  
節物更憐俄頃變，山光不是舊時看。

春間再至

春風續續帶餘寒，沙上輕鷗意自閒。  
鳴綠水光宜落日，勸君握髮起相看。

時謹甫方沐髮

雨後山光並屋寒，箇中無物破孤閑。  
天涯遠客無聊賴，縱有梨花不敢看。

偶吟示謹甫

春深乳燕簷前鳴，旅館饒閑睡不成。  
更向望華樓上望，野桃山杏逞新清。



沙鳥晴鳩日暮鳴山光水色盡難成無端徙倚沉  
吟久樓下長江心與清

齊鳥驚人在一鳴男兒功業趁時成  
鹽梅經濟君家事應播英名萬古清

夏山奇節先吾鳴為畫蛇兒愧未成  
吟罷華聯增赧面風霜兩頰起寒清

在義州呈安州處置使

王程驅馬日驩駸鴨水春波綠正深  
客裏東風吹欲盡夢尋江上醉時吟

來時清川度舟上見錢醉甚

鴨江芳草碧芊縣正是春風欲晚天  
別酒至今釀在骨每逢清境誦清聯

宿松骨山下次謹甫詩



芳草清川暗送涼孤煙落日是他鄉夜來夢亂頻  
成覓人道前朝古戰場

贈黃主事瓚

畢境難窺學海深稍令愚惑祛胸襟從天宣召無  
多日肯使鸞凰滯棘林

王三

璽以紙筆求題走筆以贈之

璽乃廷東  
路侯察使

王憲  
子也

妙岭才調正超羣數日清談叶所聞萍水相逢真  
幸耳令人他日望停雲

在遼陽館贈丁生

倦客無心逐利機賈胡商羯日孜孜眼前計較分  
銖兩唯有丁生解乞詩



松站道中有雨馬上口占示謹甫

蒲茁來時亦不多歸途蒲眼有薰葭節序遷移驚  
遠客孤吟猶聳兩肩蓑

終始情親世幾多與君交結獨葭葭況今萬里相  
隨意並轡論心松站蓑

節物令人感興多一年生意在簾葭天心微妙誰  
能識時雨廉纖客裏蓑

夜直有感次崔孤雲韻

疎星殘月兩悠悠宮漏沉沉覺夜脩從此愁心非  
一緒西風庭院柳先秋

次金注簿事觀親詩卷韻

觀親萬里洪陽去天末秋風一騎塵誠孝當今無



與比古賢曾子始相隣  
有父歸寧易感人離亭  
忍望後車塵世間風樹終  
難止榮孝如君孰與隣

即事

在禁中

數日癡雲徧四方一窓幽思正茫茫  
庭前昨夜秋風至又見槐花過眼黃

題古阜郡事李輔仁贈行詩軸

之子才名動士林少年還把武城琴  
歸來好繼循良傳留取清風萬古欽

冰國秋深魚稻鄉正當霜菊綻新黃  
日高衙罷渾無事閑看庭前草自香

極目愁雲萬里長海山迢迢露寒鉉  
都亭別酒終



難醉處處鳴蟬帶夕陽

君歸南郡古瀛洲我向燕山天一頭兩地停雲應

入望秋風萬里各登樓

以正朝使押馬贊赴燕京

在遼東聞黃翰林瓚往開原衛因王璽寄信

塵埋講榻無人掃露重庭除草自秋試向遼陽城

北望停雲落日思悠悠

題匪懈堂夢桃源圖詩軸

消息盈虛一理通形神變化妙難窮膏肓不必論

因想真安湏知覺夢同

烟蘿掩靄擁山根洞口雲霞常吐吞時見落花泛

流水不知何處是桃源

真凡杌鑿不相宜趨向殊途合有歧誰使天人勤



指道分明一路走瑤池  
茅茨土砌是誰家風掩柴  
扃半欲斜幽鳥數聲人  
不在落花芳草使人愁  
千樹夭桃錦繡堆仙風吹  
送綠霞來貌姑近日朝  
天去留取瓊葩寂寞開  
遠近交加愛暖風高低相  
映更重重仙遊正值三  
千歲不是人間一樣紅  
月殿徒勞誇誕妄叢陰只  
得慙窮愁人間唯有桃  
源夢便是逍遙物外遊  
世間無處索玄珠倦仰還  
蓬事已殊聞說武陵久  
零落更隨新夢上新圖

寄呈淳昌兄



日夕薰風吹薺花鈴軒佳興屬清和  
九重秘殿深如許玉漏聲遲欲奈何

兩地情思日日新晴雲碍眼暗傷神拂衣一去非  
無術紫陌紅塵解繫人

吾門諸父早彫零人道貪從薊蕘馨似聽近來猶  
斷酒停眠一夜喜填膺

題姜正郎字說詩卷

男兒志學聖賢歸予舜何人在有為胸中真樂無  
今古絀絀簞瓢各不移

要自天然味道腴休將虛實辨有無從來大巧寓  
若拙誰識真愚是不愚

幾微不故外人知靜慮凝神坐忘時床上有書亦



不讀春風拂面柳絲梅

曹翰林

行錄

榮親以病未來書三絕以呈

高堂喜氣接祥雲榮孝當今孰與羣自顧此身

作感九原無處慰游魂

玉屑珠塵列錦筵

聖恩新自九重天丈夫事業

當如此鶴髮巖親喜相懸

香烟漠漠擁仙輿內部新聲無世間自是堂前

舞急倩人重按玉龜山

病中聞徐剛中還自嶺南書呈

手開茶鼎獨臥塊聞君新自嶺南來早知清賞應

無盡為問梅花開未開

題司憲府中丞案上公事總目後三絕



頭上雙元走坂然滿街春氣靄如烟園花陌柳空  
蒼亂坐伴臺烏已兩年

節物紛紛次第經涼風又送碧梧聲天書日下開  
言路碌碌因人負聖明

詠庭擾擾起羈塵過眼槐黃又著新袖手茶時十  
五朔令人慙愧後來人

書尹翰林四祖單字封上朴中丞仁叟兼東  
諸臺長

錦中閑靜對黃封玉漏聲遲午睡濃牆下碧梧依  
舊否御溝垂柳起秋風

哭尹三宰適

坡原秀氣鍾蛇蟠山斗三韓曠代賢碩德只今方



倚重如何仙夢忽脩然  
東郊雲物已秋風丹旄依依曉霧濃自是忝名門  
下客傷心無路望湘中

承命題日本使畫蓮簇二絕

寫出秋蓮水鳥眠紅紅白白自天然師心正似清  
霄露葉底花間處處圓  
孤帆我昔拂東陬正值棲芳半沼秋兩幅堂中垂  
寂寞滄溟萬里思悠悠

題崔提學德之休官赴靈岩舊隱詩卷

賦就歸來寂寞濱  
紉蘭委佩作閑身  
急流勇退知多少  
蒼葭紅塵汨没人  
宿德堪為太史書  
清規又復範州間  
古今人物歸



公議祖送都門幾兩車

遯世幽情挽不回一朝投紱賦歸來士林嘖嘖稱  
高義始信男兒自有懷

早與先人結髮遊如今存沒兩悠悠日陪杖屨方  
為幸奈此愁雲隔海陬

祖送離亭日欲頽故山迢遞海雲堆征途雪滿西  
風急且進江都酒一盃

謝禪宗惠扇

大地炎蒸雨後天紅塵苦火正相煎上人高致真  
堪射兩鬢清風忽颭然

送辛永孫奉使湖南

同榜情親自弱齡送君今日思冥冥秋深客路饒



清興一片完山入眼青

挽權承旨

自恭

歸葬安東

端雅溫良稟自天英才宿望世推賢龍喉啓沃無  
多日夢蝶那知忽翊然

浮生脩短固難期翻覆從來天所為寂寞九原無  
處吊城南極目嶺雲飛

丹旌漂渺嶺南原薤露哀歌聒耳喧一去舊山春  
欲盡悲風吹動北堂萱

有老母

送一菴專師遊楓岳

昔與聯詩覆鼎山松風萬壑夜將闌當時坐客無  
餘子十六年光彈指間  
君今浪迹寄名山履徧高巔興未闌欲識金剛真



面目芙蓉玉立海雲間  
日出雲霞卷海山君歸  
能得最高閑為言試向西  
南望塵漲東華萬丈間  
我隨紅塵君碧山浮生正  
欲兩同閑逢場一笑亦  
難得况復春風烟柳間

次權正卿韻

春心病裏已蹉跎卧看  
飛花拂面過宿昔有懷真  
不負清聯一絕奈君何  
憑君且莫嘆蹉跎數日春  
光尚未過扶病亦堪尋  
舊約東君一去敢誰何

和御製詩韻

嘗出御製詩一聯示臣叔舟傳曰予



在潛邸時慕

世宗有作忘其下聯亦其

是之臣辭不敢即續進尋命集趙子昂書

刊印就

賜臣第臣伏觀

主上殿下奮

厥神武光復舊物而哀慕無窮至形於詩

舜之大孝武王之達孝實無與讓臣不勝

感激稽首稽首謹依韻和三篇以進

垂衣三十又三年開我文明漢水陽盛德在人知

幾許臣民沒世尚神傷

天保東方春

聖明握符乘運正當陽如今已協

重熙望當日臣民莫更傷

微臣結髮事先朝葵藿今猶慕大陽正續聖謨

真達孝天章况復使人傷



贈別黃三宰赴京

觀光有路屬幽燕正值清和四月天  
聖主祇今誠事大敦詩重望在英賢

名區勝地足清歡鵲嶺閑山入眼寒  
正賴千鍾燕市酒時時猶可遣孤閑

鶯啼處處翳芳林卧病悠悠萬里心  
話別都亭猶未得離懷寂寞一庭陰

贈別鄭兄<sub>勳</sub>出守寶城

名州華選屬高人肘下離離斗印新  
歸騎東風吹暫急故園梅樹正當春

千里迢迢六載離愁雲渺渺海南垂  
別懷襞積無人識一夜丁東宮漏遲



寄成川守辛永孫

塵事相煎鬢欲蓬日斜雲盡又秋空  
試計交遊無幾子可堪回首對西風

贈別具分臺

信忠

千里湖南勝地多春風况復繡衣過  
明時杖節非容易臨別悠悠贈馬過

南國連年水旱災

聖君倉儲為民開君歸且使

平生志霄旻憂勞倚大才

頭上雙丸走若梭名成碌碌強鳴珂  
家山南望春應遍汨汨塵中奈老何

別學專歸海印

夾路鶯聲四月天青山隨處起嵐烟  
此生走向風



塵老每送吾師一悵然

寄贈韓子濬 時體察三遺義故荒

笋綠梅黃麥浪平  
村村已得自生生  
承綸手救南氓  
遍閑聽黃鸝夾路聲

宮羅香霧正霏霏  
應是南人眼底稀  
露冕行春等閑事  
人間白日與爭輝

聖主鴻恩降海隅  
華堂紅袖拂笙竽  
南人手額爭相歎  
今古如公定有無

巡遊千里遍名區  
處處山川入畫圖  
北望五雲應日急  
令人舉目看雙鳬

鏡中日見鬢絲明  
坐想迢迢玉節輕  
賴有少年宣慰使  
應傳老子別離情



迎寄未寄自燕還

夢魂相逐到幽燕正是蚊蚋五月天駟騎西來音  
信至分朋一夜不成眠

禮宗判事連見訪以詩謝之

汨沒人間幻夢身如今已厭宦途塵門前擾擾求  
名者獨喜禪翁見訪頻

寄尹金海

隔年南望路悠悠一夜西風水國秋宦海萍浮無  
會合令人白髮已生頭

寄北壤少尹金永柔

飄飄浮生兩與雲鬢絲黃葉兩紛紛秋風暫急多  
愁緒耿耿心中只有君



自平安還鳳山寄平安兵使監司

孤館殘燈上土雨一盃長笛吹餘雲千里論心真  
料外如今別酒有餘醺  
日落清川看雲月波輕浮碧喚魚人回首關山風  
雪暗清秋時入夢中頻

自平安還到黃州曹行源以正朝使赴京適  
到留一日會別到鳳山寄別

是夜有雨

齊安東野際天長極目蕭蕭蘆葦黃三馬原頭一  
盃酒歸心離思兩茫茫

漢北五雲天渺渺燕山千里路悠悠明朝去住無  
窮恨落日蒼茫大野頭

西東分手恨難休各在王程不可留客館青燈半



夜雨分明兩地一般愁

次熙川東軒韻

郡兵相逐郡城東  
旗鼓蕭條落照中  
豪傑遺蹤問  
無家功名寂寞四山空

香山帶雪俯軒東  
落日蒼顏感慨中  
板上先人遺  
迹在不堪哀泪洒秋空

次永柔東軒韻

從弟南榮在焉

十室蕭條負古城  
殘山斷壠際天平  
客中云住路  
千里一夜青燈無限情

憐君佩綬宰荒城  
為吏莫如廉與平  
從古政成無  
異事烹鮮不過順民情

寄曹平安監司

孝門



聖君隆眷倚長城肘下黃金意氣橫丈夫知遇當  
思報時見西門鎖鑰成

西塞秋風應嫋嫋長安秋月正盈盈年來喜瞻拜  
前日四壁寒蛩到曉聲

兩度塵中竟若何頭邊白日急於梭少年不識相  
思泪老大離愁覺暫多

還到端州宣慰使洪中樞逸童適至與宴  
後呈承政院諸承旨

擒塞征夫千里外銀臺學士五雲間從天雨露無  
遐邇醉倒官壺五夜寒

在阿赤河陳中偶吟

虜中霜落鉄衣寒突騎縱橫百里間夜戰未休天



欲曉卧看星斗正闌干

自鍾城出師渡江偶吟

日出愁州萬騎馳  
元童河外曉霜飛  
一身報主輕生意  
只許腰間尺劍知

次成川降仙樓韻

北征還與禮判洪允成衆

議康孝文從事在謙光自來興論中論嶺將

迎拜

大駕於平壤至成川府使適出去官

禮判洪公自作主人慰我遊散而作時

大駕巡幸平安

成川江上又登樓日暮烟波悲遠遊  
自作主賓為

大酌一聲長笛醉臨流

還將遠意上青樓萬里悠悠已倦遊  
石鐔并尋耳



羯鼓一盃相與逐清流

一帶長江百尺樓樓前萬景奈羈遊興亡往事從誰問千古遺墟水自流

題成川江亭子船

自咸吉拜迎

車駕於下

樓是舟或月江上覽古興懷偶吟三絕錄奉

同遊諸丈

北平胡虜敢言功諸將輸勞聖算中今日往來

江上飲天顏咫尺五雲濃

萬丈蒼崖羯鼓聲長江千古碧羅明欲知松壤當

時事若上唯餘屹骨城

訝舞橫江落日紅風流氣槩屬諸公誰能和就高

唐賦雲雨依然十二峯



次一菴學專師詩韻謝惠扇

道人高卧碧蘿天  
霖雨長安萬井烟  
兩輪永挂歸人世  
祛我沉疴已洒然

送人歸湖南

南園春風早晚回  
村村綠竹開青梅  
送君一望家山遠  
空賦荒詞歸去來

寄咸吉兵使楊山

鏡城館裏尊連海  
那段山前醉欲迷  
心話情懷猶入夢  
鶯花萬里五雲低

次咸興元軒韻

地勢雄盤稱斥州  
馳峯走岫翠如抽  
一過幽岐多舊夢  
暮年秋萬歲定神遊



春風大野吹  
州鼓落蒲芽漸欲抽佳節今年又  
虛負王程峻急敢速遊

因權正卿伴人赴京就寄正卿

陸辭泥醉夢耶非予予孤征向北馳人事漸看喜  
乖角今年又負賞春期

呈承政院

承恩泥醉出城東  
閣下分携似夢中  
度嶺北來官斷酒不堪孤寂對春風

次谷口軒板韻

東溟紺碧遠浮天  
孤館蕭條大嶺前  
方丈蓬萊在何許  
令人直欲訪羣仙

海鷗相逐雪濤端  
客裏憑軒暫展顏  
試問嶺頭高



幾許郵人指點有無間

次吉州東軒韻

地靈磅礴擁名州山勢模糊踞海頭四望緬懷多  
古意雙川城下自交流

次鍾城東軒韻

新荆開府未多年遠境居民限巨川日見胡人  
納款東漸聖化置郵傳

因事留連日似年徘徊感慨覽山川角歌轅門春  
政靜客中時把羽觴傳

結髮同遊想昔年板中遺墨照臨川邊城春半多

悲感忽讀清詩敢忍傳衣上見魯山李末瑞詩不

覺求業



次穩城東軒韻

新移巨鎮背長川舉目微茫塞外天  
太守經營真老子芳名從此可流傳

會聞頭萬是名川始見縱橫入海天  
塞外逢君無限意題詩留與鎮人傳

時同年林公為鎮將方移城治人不知徙官舍民居井然可觀

次慶興東軒韻

春陰漠漠海天愁  
刁斗聲中覺夜脩  
投化遠人來絡繹  
盃樽處處與優遊

春雲漫漫客囊愁  
五雲千里夢歸脩  
生平張象真無負  
又向東溟作遠遊

春江流水拍春愁  
一帶縈紆接海脩  
極目纍纍沙



似雪令人惆悵因羈遊

寄舍人檢詳

頭萬春江繞塞山客來歸夢五雲間中書醉後應  
無事明月梨花不怕寒

保闕齋集卷之四















